



Claudii Fleurii Abbatis Historia Ecclesiastica

Ab anno Christi 1400. usque ad annum 1415 - Unacum Dissertatione
Præliminari Ad Historiam Sæculi XV.

Fleury, Claude

August. Vind. [u.a.], 1767

VD18 90118286

§. 41. Petrus de Luna Cardinalis Legatus mittitur in Galliam.

[urn:nbn:de:hbz:466:1-66281](#)

que negotium dedit, ut e suggestu ad populum diceret, omnes unionis vias hucusque conceptas inutiles esse, sola ea excepta, qua omnes Principes Christiani sacro foedere juncti Bonifacium folio deturbarent, Clementi vero tanquam unico legitimo Pontifici obedientiam, Vicario Christi debitam sponderent. Gulonius rem ex sententia Clementis gesserat; Verum Parisiensis Universitas non minus intempestivo Monachi zelo commota, quam propositionum indignitate offensa, Carmelitam e S. Facultatis gremio separavit, graviori poena dignum.

§. XL.

*Petrus de Luna Cardinalis Legatus
in Galliam missus.*

Petrus de Luna Cardinalis Legatus *Surius l. 3.*
in Hispaniam missus, tria regna Clementis obedientiae adjunxerat; tam prospero legationis suæ successu inflatus, eodem tempore Parisios venit, haud disparis fortunæ spem con-
Hist. Eccles. Tom. XXV. k cipiens.

cipiens. Præprimis amplissima nomine Pontificis pollicitus præmia, præcipuorum Doctorum animos sibi conciliare studuit ; cumque ex illis Petrus de Alliaco , & Ægidius de Campis ejus molitionibus acrius obfisterent, & a concepta cessionis via nec latum unguem recedere vellent, Legatus Clementi persuasit, ut a Rege ambos hosce Doctores ad se mitti peteret, obtendens, quod eorum auxilio ad ministerium Ecclesiæ summopere indigeret. Verumtamen præclari hi duo viri, pacis quam gloriæ magis cupidi, & aliunde fabam, quæ in eos cuderetur, facile animadvertisentes, venire constanter recusant, nec Parisiis excedunt. Epistola, quam Nicolaus de Clemangis de tribus pacem restituendi mediis elucubravit, Regi exhibebatur, cuius jussu Gallice redditæ est, in pleno consilio recitanda. Rex prælectam benevolis auribus excepit, probavitque ; factum tamen arte Dicis Bituricensis, atque Legati, ut Regem, insultibus morbi, quo laborabat, forte adjuti, a pio

pio proposito dimotum in contrariam sententiam deflechterent, adeo, ut, cum Academiæ Doctores Regem accessissent ab eo responsum percepturi, illis Cancellarius jussu Regis significasset, ne impostorum quicquam ea de re agerent, nec literas hac super cauffa scriptas vel reciperent, vel aperirent, nisi prius Regi exhibitæ fuissent.

§. XLII.

*Universitatis Parisiensis pro Unione
ardens studium.*

Academia de hoc regis responso prævie edicta Cancellario, præfente Legato, significat, constitutum sibi esse tamdiu cessare a lectiōibus publicis, aliisque omnibus studiorum exercitiis, donec justis eorum votis satis fieret. Nec segnius id, quod intrepide afferuit, executa est Universitas, posthabitis tam Legati minis, qui Avenionem rediit, quam Duci Bituricum injuriis, qui hosce Doctores tanquam rebelles ac seditiosos